

PODACI O PROJEKTU


SMANJENJE RIZIKA OD KATASTROFA ZA ODRŽIVI RAZVOJ U BOSNI I HERCEGOVINI – FAZA II

Bosna i Hercegovina – Juni 2024.



Schweizerische Eidgenossenschaft
Confédération suisse
Confederazione Svizzera
Confederaziun svizra

Embassy of Switzerland in Bosnia and Herzegovina



Smanjenje rizika od katastrofa u korist građana i građanki Bosne i Hercegovine

Zajednički program “Smanjenje rizika od katastrofa za održivi razvoj u Bosni i Hercegovini” podržava upravljanje rizikom od katastrofa u zemlji, usklađujući se sa Sendai okvirom za smanjenje rizika od katastrofa 2015-2030. Sendai okvir adresira izazove upravljanja rizikom od katastrofa i pruža konkretne akcije za smanjenje rizika od katastrofe.

Program pruža podršku za pripremu i prilagođavanje rizicima od katastrofa u razvojnim sektorima s posebnim fokusom na najugroženije i visokorizične zajednice. Faza II (2023.-2027.) ima za cilj poboljšati održivo upravljanje smanjenjem rizika od katastrofa (DRR) replikacijom uspješnih modela na lokalnom nivou i rješavanjem izazova identifikovanih u Fazi I. Također, Program ima za cilj uspostaviti strukture upravljanja DRR-om na nivoima države, entiteta i Brčko Distrikta kako bi se osigurala koordinacija i saradnja između nivoa.

Faza II Programa će i dalje biti usmjerena na obrazovanje, kulturu, socijalnu i dječju zaštitu, poljoprivredu te zaštitu i spašavanje. Također, Program će uključiti sektore finansija, urbanog planiranja, zdravstva, upravljanja vodama, šumarstva i zaštite okoliša kroz specifične aktivnosti ili učešće u platformama za smanjenje rizika od katastrofa.

Na lokalnom nivou, Program će se provoditi u 10 jedinica lokalne samouprave: Bihać, Banja Luka, Kakanj, Bijeljina, Kalesija, Trebinje, Mostar, Laktaši, Tuzla i Brod. Program je usklađen s reformskim ciljevima UN-a, ciljevima švicarske multilateralne saradnje i Okvirom saradnje za održivi razvoj UN-a za Bosnu i Hercegovinu 2021-2025.

PROJEKTNİ CILJEVI

Opšti cilj Programa je smanjiti društvene i ekonomske efekte katastrofa i klimatskih promjena za ljude u visokorizičnim područjima. To će se postići putem sistema upravljanja rizikom od katastrofa koji u fokus stavlja prevenciju, unaprijeđenim međuinstitucionalnim kapacitetima, regulatornim okvirima, boljim javnim uslugama i snažnijim partnerstvima.

Jednostavnije rečeno, kada Bosna i Hercegovina usvoji proaktivan, integrisan, klimatski svjestan sistem upravljanja rizikom od katastrofa kroz višesektorski okvir upravljanja DRR-om, ranjive zajednice će postati otpornije na sve veću učestalost i intenzitet katastrofa povezanih s klimom.

OČEKIVANI REZULTATI I INDIKATORI

Očekivani rezultati Programa su:

- Institucije na svim nivoima sarađuju u multisektorskom uključivanju smanjenja rizika od katastrofa (DRR) na temelju poboljšanih regulatornih okvira za DRR u cijeloj zemlji, uključujući povećani fokus/naglasak na rodnu ravnopravnost i društvenu uključenost.
- Ljudi u rizičnim područjima manje su ranjivi zbog bolje osposobljenih institucija, poboljšanih kapaciteta za odgovor i provedenih prioritarnih mjera.

Očekuje se da će, kroz Zajednički program, preko 300.000 građana BiH imati koristi od aktivnosti na smanjenju rizika od katastrofa.

Ambasada Švicarske u Bosni i Hercegovini

Zmaja od Bosne 11, Zgrada RBBH, objekt B, BiH-71000 Sarajevo

Tel. +387 33 27 58 50, +387 33 25 40 30, Fax +387 33 57 01 20

E-Mail: sarajevo@eda.admin.ch

www.eda.admin.ch/bosnia-and-herzegovina

IMPLEMENTACIJA PROJEKTA

Program će podržati razvoj strategija, mehanizama, protokola i alata za bolju koordinaciju i komunikaciju između različitih nivoa vlasti i različitih sektora. Učinkovitom koordinacijom smanjenja rizika od katastrofa (DRR) od državnog nivoa do lokalnih platformi, Program osigurava sveobuhvatan pristup koji uključuje sve nivoe vlasti i društvo kako bi se smanjili rizici i izgradila otpornost.

Program će podržati razvoj strateških i akcijskih planskih okvira integrisanih u DRR za državni, entitetski, Brčko Distrikt i lokalni nivo. Program će osigurati angažman različitih aktera u izgradnju otpornosti kroz provedbu mjera za smanjenja rizika od katastrofa i uključivanje smanjenja rizika od katastrofa u relevantne politike, programe i alate. DRR platforme osigurat će snažno vlasništvo i vodstvo DRR procesa koje će se temeljiti na zajedničkom razumijevanju multidisciplinarnе prirode DRR-a, pridonoseći izgradnji otpornosti na katastrofe.

Program će također identifikovati i podržati razvoj strategija, mehanizama i alata za finansiranje smanjenja rizika od katastrofa i prijenos rizika kako bi se osiguralo dugoročno finansiranje DRR aktivnosti na svim nivoima vlasti u Bosni i Hercegovini.

VAŽNOST PROJEKTA I PRETHODNI REZULTATI

Zajednički program prepoznaje da je postojanje snažnih zakonskih okvira, institucija i strategija na lokalnom i višim nivoima vlasti ključno za stvaranje trajnih promjena i osiguravanje dugoročnog uspjeha sistema za smanjenje rizika od katastrofa (DRR). Radeći s relevantnim partnerima i učesnicima, Program će podržati inkluzivne rasprave o politici za primjenu principa dobrog upravljanja. To uključuje bolju komunikaciju između različitih sektora uključenih u DRR, usklađivanje zakona i propisa na lokalnom, entitetskom i državnom nivou te sa EU direktivama. Uvođenje strateškog okvira za smanjenje rizika od katastrofa i njegovo ugrađivanje u relevantne institucije na svim nivoima je ključno za postizanje sistemskih promjena i osiguranje kontinuiranih i održivih poboljšanja na svim nivoima vlasti.

Zajednički program – Faza II nastoji proširiti uspješna iskustva i modele u smanjenju rizika od katastrofa (DRR) koji su razvijeni na lokalnom nivou tokom Faze I (2019.-2023.). U prvoj fazi Program je uveo integrisani pristup upravljanju rizicima od katastrofa i poboljšanju životnih uslova na lokalnom nivou. To je postignuto jačanjem lokalne koordinacije u DRR, promocijom strateškog planiranja koje uzima u obzir rizike i fokusiranjem na ranjive kategorije stanovništva. Faza I također je podržala uspostavljanje lokalnih platformi za smanjenje rizika od katastrofa i adresirala prioritete za smanjenje rizika od katastrofa koji su identifikovani od strane deset lokalnih vlasti i aktera u ciljnim sektorima.

SAŽETAK PROJEKTA:

NAZIV: Smanjenje rizika od katastrofa za održivi razvoj u Bosni i Hercegovini – Faza II

DOMENA: Lokalna uprava i opštinske/općinske usluge

ZEMLJA/REGIJA: Bosna i Hercegovina

PARTNERI: Program implementiraju UN agencije u BiH: UNDP, FAO, UNESCO i UNICEF u partnerstvu sa domaćim vlastima: Ministarstvo sigurnosti BiH, Ministarstvo vanjske trgovine i ekonomskih odnosa BiH, Ministarstvo civilnih poslova BiH, Federalno ministarstvo rada i socijalne politike, Ministarstvo zdravstva i socijalne zaštite RS, Federalno ministarstvo obrazovanja, Ministarstvo prosvjete i kulture RS, Ministarstvo poljoprivrede, šumarstva i vodoprivrede Republike Srpske, Federalno ministarstvo poljoprivrede, vodoprivrede i šumarstva, Republička uprava civilne zaštite Republike Srpske i Federalna uprava civilne zaštite.

POLAZNA TAČKA / POZADINA

Projekt je nastavak uspješno provedene Faze I koja je pokazala da je nužan rad s lokalnim zajednicama na pitanjima smanjenja rizika od katastrofa i širenje na više razine vlasti.

CILJ PROJEKTA

Projekt ima za cilj doprinijeti smanjenju rizika od prirodnih i drugih katastrofa u Bosni i Hercegovini kroz kontinuirano i efikasno multisektorsko upravljanje rizikom od katastrofa, strateškom koordinacijom preventivnih akcija, pripravnosti i odgovora na smanjenje rizika od katastrofa, poboljšanim kapacitetima i integriranim multisektorskim pružanjem usluga prepoznatim ranjivim grupama.

CILJNA GRUPA:

10 lokalnih samouprava (Bihać, Banja Luka, Kakanj, Bijeljina, Kalesija, Trebinje, Mostar, Laktaši, Tuzla i Brod), 12 entitetskih i Brčko distrikt institucija, 3 državne institucije i najmanje 300.000 građana.

BUDŽET: USD 3,974,665

TRAJANJE:

Novembar 2023. – Oktobar 2027. (4 godine)

Zajedno ubrzavamo napredak



eda.admin.ch/sarajevo



[SwissEmbassySarajevo](#)



[SwissEmbassySarajevo](#)



[SwissEmbassySarajevo](#)



[SwissinBiH.ba](#)